



অবহেলিত উত্তরবঙ্গ

সৌমেন নাগ

[Zoom In](#) | [Zoom Out](#) | [Close](#) | [Print](#) | [Home](#)

উত্তরবঙ্গের অস্থির পদসঞ্চালনের কম্পন গঙ্গারদক্ষিণ সীমানা পার হয়ে লাল দিঘির পাড়ের লাল বাড়িতেও অনুভূত হতে শুরু করেছে। পশ্চিমবঙ্গের যে মূল সমস্যা কেন্দ্রিকতা — এটা এতদিনরাজ্যের অভিভাবকের া কেউ ভাবনার বিষয় বলেভাবে চাননি। পশ্চিমবঙ্গের আর্থিক পরিকল্পনা বলতে কলকাতা, সংস্কৃতি বলতে কলকাতা, স্বাস্থ্য বলতে কলকাতা, সাহিত্য বলতে কলকাতা। এ যেন সেই রাজার কথা। রাজার হাসিই প্রজার হাসি, রাজার সুখই প্রজার সুখ।

কলকাতাকে বিরোধিতাকরার জন্যই এই কথা — এমন ভাবার কারণ নেই। বরং কলকাতা এ রাজ্যের অত্যন্ত আপন। ব্রহ্মবর্ষমান জনসংখ্যার চাপে কলকাতা যে ভাবে নানাসমস্যার ভারে ন্যূন হয়ে পড়েছে তা প্রতিটি রাজ্যবাসীর ভাবনার কারণ। তবু কিন্তু পশ্চিমবঙ্গের প্রান্ত জেলাগুলিতে বঞ্চনার ব্যাথা অভিমানে রূপান্তরিত হয়ে কলকাতার অভিভাবকত্বকে অস্বীকার করতে চাইছে। একটা ধারণা ব্রহ্মবর্ষমান দানা বেঁধে উঠেছে যে কলকাতার ঔপনিবেশিক আত্মসম্মতিরতাই এই পিছিয়ে পড়া জেলাগুলির অর্থনৈতিক ও সাংস্কৃতিক বিকাশের পথে প্রতিবন্ধকতা সৃষ্টি করে চলেছে। তাদের স্বাধীন জাতিসত্তা বিকাশের জন্য ঔপনিবেশিক কলকাতার বন্ধন থেকে মুক্ত হওয়া ছাড়া যেন দ্বিতীয় কোনও পথ নেই।

একথা অস্বীকার করার উপায় নেই যে এই রাজ্যের অর্থনীতি, সংস্কৃতি ও রাজনৈতিক কর্তৃত্ব সম্পূর্ণভাবেই নিয়ন্ত্রিত কলকাতা থেকে। কর্তৃত্ববাদের রথে চড়তে অভ্যস্ত কর্তৃত্ববাদীরা যেন তাদের রাজনৈতিক ও অর্থনৈতিক কর্তৃত্বের অধিকার ভাগ করতে রাজী নয় তেমনি সাংস্কৃতিক জগতের কর্তৃত্ববাহী রথের একচেটিয়া আরোহীরা এতদিন ধরে যে সাংস্কৃতিক অভিভাবকের একচ্ছত্র অধিকার ভোগ করে আসছিল তারা কোন ভাবেই তাদের কর্তৃত্বের রথে প্রান্তভূমিতে গড়ে ওঠা নব্যশিক্ষিত ও মধ্যবিত্তের ভাষা ও সংস্কৃতির বাহকদের (যারা তাদের জাতিসত্তার প্রতিষ্ঠার মাধ্যমে প্রতিষ্ঠাপেতে চায়) জায়গা দিতে চায় না। শাস্ত্র পাঠ যেমন বা হুণদের একচেটিয়া অধিকার ছিল তেমনি রাজধানী কেন্দ্রিক এই সাংস্কৃতিক জগতের অভিভাবকেরা রাজ্যের সংস্কৃতিকে তাদের অভিভাবকত্বেই রেখে দিয়েছে। তাই পশ্চিমবঙ্গে কলকাতার পাশাপাশি অপর কোনও কেন্দ্র গড়ে উঠেনি। গড়ার যে প্রয়োজন ছিল সে কথা ভাবার তাগিদও ছিল না।

অতীতের বাংলা আজকের বাংলা

অথচ অবিভক্ত বাংলা কিন্তু এরকম এককেন্দ্রিক রাজ্য ছিল না। কলকাতা প্রধান কেন্দ্র থাকলেও ঢাকা ছিল অপর প্রধান সাংস্কৃতিক ও রাজনৈতিক কেন্দ্র। কলকাতা স্বীকৃতি দিতে দ্বিধাকরলেও সকলে জানত ঢাকা আছে।

কলকাতা বিশ্ববিদ্যালয়ে মেঘনাদ সাহা থাকলে ঢাকার গর্ব ছিল সন্তোষ বসু। অন্যদিকে, কোচবিহার ছিল পৃথক করদ রাজ্য। কলকাতা ও ঢাকা রাজধানী কোচবিহারকে তাদের সংস্কৃতির বর্ণচ্ছটা আলোকিত করেছে এতে সন্দেহ নেই তবে কর্তৃত্ব করার কোনও সুযোগ ছিল না। এর অন্যতম কারণ, কোচবিহার জেলার জনজীবন, তার ইতিহাস এবং সংস্কৃতিতে বাংলার প্রভাব ছাড়াও আসামের প্রভাব ছিল গভীর। এর প্রমাণ কোচবিহার রাজ্যকে দেশের অন্য করদ রাজ্যগুলির মতো ভারতভুক্ত হতে হয়নি। আসাম না বাংলা, কোন প্রদেশের সঙ্গে যুক্ত হবো স্থির করে সেই সময় লেগেছিল প্রায় তিন বছর। (কোচবিহার পশ্চিমবঙ্গের সঙ্গে যুক্ত হয়েছিল ১৯৫০ সালের ১লা জানুয়ারি)।

স্বাধীনতার পর শুধু যে রাজনৈতিক ক্ষমতা কলকাতা কেন্দ্রিক হয়ে গেল তাই নয়, অর্থনৈতিক ও সাংস্কৃতিক কেন্দ্রও হয়ে গেল কলকাতা নির্ভর। যেহেতু রাজনৈতিক ক্ষমতাকে কেন্দ্র করেই অর্থনৈতিক পরিকল্পনাগুলি রূপায়িত হয়, তাই পশ্চিমবঙ্গের যা কিছু অর্থনৈতিক পরিকল্পনা তার সব কিছুই পায়িত হল গঙ্গার ওপারে — হাওড়া, হুগলি, ২৪ পরগণা, বর্ধমান ও কলকাতাকে কেন্দ্র করে। অথচ বাংলার দক্ষিণ ভাগের সঙ্গে উত্তর ভাগের ভৌগোলিক দূরত্বকে সুগম করার জন্য যে কর্মসূচি নেওয়ার কথা ছিল, তা ভাবাহল না ভাবা হল না উত্তরবঙ্গের তুলনামূলক জনবিন্যাসের জন্য এখানকার জটিল মানসিকতাকে কাছে টেনে আনার প্রয়োজনীয়তাকে। খেয়াল রাখা উচিত, একমাত্র জলপাইগুড়ি জেলাতেই আছে ১৫১ টি স্বতন্ত্র মাতৃভাষা।

যাঁরা কলকাতার যাত্রাপথে মনিহারি ঘাট পার হবার স্মৃতিকে মনে রেখেছেন, তাঁরা তাঁদের সেই বিভীষিকায় স্মৃতির নিরিখে উপলব্ধি করতে পারেন যে, উত্তরবঙ্গের সঙ্গে কলকাতার দূরত্ব শুধু যে ভৌগোলিক ছিল তা নয়। এই দুর্গম যাত্রা পথ যে কলকাতার সঙ্গে উত্তরবঙ্গের মানসিক দূরত্বকে ভয়ঙ্কর গতিতে বাড়িয়ে তুলেছিল, তা বাংলার নয়া অভিভাবকেরা ভাবেননি। প্রাণ উঠতে পারে, ফারাক্কা ব্যারাজ তো এই ব্যবধানকে ঘুচিয়ে দিয়েছে। এখানেই এক ভয়ঙ্কর সত্ত্বের মুখে মুখি হবার সম্ভাবনা। আজকের এই ফারাক্কা ব্যারাজ অদূর ভবিষ্যতে পশ্চিমবঙ্গের দক্ষিণ ও উত্তরভাগের দ্বন্দ্বের এক প্রধান ভূমিকা নিয়ে উপস্থিত হতে পারে। আজ এটা স্পষ্ট যে ফারাক্কা ব্যারাজ নির্মাণের পেছনে উত্তরবঙ্গের উন্নয়নের প্রাণি আদৌ ছিল না। বরং উত্তরবঙ্গের মালদহের অস্তিত্বের বিনিময়ে কলকাতা বন্দরের জীবনশক্তিকে উদ্ধার করার মানসিকতাই ছিল এর প্রধান উদ্দেশ্য। তাই সেদিন নদী বিশেষজ্ঞদের সতর্কবার্তাকে উপেক্ষা করেই ফারাক্কা সেতুর পরিবর্তে ফারাক্কা ব্যারাজ নির্মাণ করা হয়েছিল। ফলে, মালদহ জেলার একের পর এক গ্রাম আজ গঙ্গার জলে তলিয়ে যাচ্ছে। গঙ্গা আজ স্পষ্টভাবে জানান দিয়ে চলেছে যে, সে তার গতিপথ পরিবর্তন করে মানুষের উদ্ধারের জবাব দিতে চাইছে। নদীর এই আক্রোশের সম্ভাবনার কথা নদীবিজ্ঞানী কপিল ভট্টাচার্য তো ফারাক্কা ব্যারাজ

জ নির্মানের আগেই জানিয়েছিলেন।

ফারাক্কা ব্যারাজঃ একটি মরণফাঁদ

পাছে কথাগুলি বিচ্ছিন্নতাবাদীর ভাবনা বলেপ্রচার পায় তাই ফারাক্কা ব্যারাজের প্রতি একটু দৃষ্টিফেরানো যাক। পৃথিবীর এই দীর্ঘতম ব্যারাজ (দৈর্ঘ্য ৭৩৬৬ ফুট) নির্মিত হয়েছিল ১৯৭০ সালে। এতে আছে ৬০ ফুট বিস্তৃত ১০৯টি স্লুইস (Sluice) বা জল নির্গমনের দ্বার। ফারাক্কা ব্যারাজের উজানে ২৬ মাইল লম্বা এবং ৬০০ ফুট চওড়া একটা খাল (Feeder Canal) কেটে জঙ্গীপুরে ভাগীরথী নদীর সঙ্গে যুক্ত করা হয়েছে। উদ্দেশ্য, গ্রীষ্মকালের শুষ্ক দুটি মাস ছাড়া গঙ্গা থেকে এই খালের মাধ্যমে ভাগীরথী - হুগলী নদীর খাতে নিরবচ্ছিন্নভাবে ৪০ হাজারকিউসেক (প্রতি সেকেন্ডে ৪০ হাজার ঘন ফুট) জলপ্রবাহিত করা। নির্মাণ ব্যয় ছিল ২০০ কোটি টাকা।

১৯৬৬ সালে ফারাক্কা ব্যারাজ নির্মাণের সময় গঙ্গা নদী মাঝে একটা চর সৃষ্টি করে দুপাশে দুটি খাত দিয়ে বয়ে চলত। চর ও খাত দুটির মধ্যে উচ্চতার পার্থক্য ছিল ২০ ফুটের মত। ফারাক্কা ব্যারাজের স্লুইসগুলির নীচের ভিতটি মাঝের চর থেকে ৮ ফুট উঁচুতারা হয়েছিল। এর ফলে কংক্রিটের ভিতটি দু - পাশে গভীর খাত দুটি থেকে প্রায় ১৮ ফুট উঁচু হয়ে দাঁড়াল। এর প্রতিক্রিয়ায় ব্যারাজের উজানে বা ব্যারাজ - পন্ডে (Barrage Pond) জলের স্রোত কমে যাওয়ায় যে বালি ও পলি গঙ্গার গর্ভে বারপড়তে শুরু করেছিল, তা ব্যারাজের উঁচু কংক্রিটের ভিতের জন্য স্রোতের সাহায্যে সরে যেতে পারল না। এইভাবে বছরের পর বছর পলি জমে গড়ে উঠেছে কয়েক মাইল জুড়ে বিশাল চর। ডান দিকে আছে ফিডার ক্যানাল। এদিককার ২৪টি স্লুইসের কংক্রিটের ভিত অনাগুলিত তুলনায় ৫ ফুট নিচু, তাই জলের গতি বেশি থাকায় এখানে পলি জমা হার তুলনামূলক ভাবে কম। বাম তীরের অবস্থাসম্পূর্ণ বিপরীত। এখানে পলি জমে আগেকার গভীর খাতটি যেমন ভরাট হয়েছে তেমনি ঐ সুবিশাল চরটি ২৭ ফুট উঁচু হয়ে অর্ধেকের বেশি স্লুইসকে অকেজো করে দিয়েছে। ৬০ ফুট প্রশস্ত প্রতিটি স্লুইস দিয়ে বন্যার সময় ৩০ হাজারকিউসেক জল বেরিয়ে যাবার কথা ছিল। এখন পলি জমা বাম তীরের স্লুইস দিয়ে ১৮ হাজার কিউসেক আর ডান তীর দিয়ে প্রায় ৪২ হাজার কিউসেক জল প্রবাহিত হচ্ছে। এর ফলে যে শুধু ফারাক্কা ব্যারাজের অস্তিত্বই বিপন্ন হচ্ছে তা নয় বন্যার জল সঠিকভাবে বেরবার পথ না পেয়ে ফারাক্কা উজানে গঙ্গাকে পথ পরিবর্তনের দিকে ঠেলে দিচ্ছে। মালদহ জেলায় এই যে ভয়াবহ ভাঙন, তার কারণ ফারাক্কা উজানে বাম তীরে গড়ে ওঠা ঐ বিশাল চরে বাধা পেয়ে গঙ্গার বাম তীরের খাত ধরে নেমে আসাবিপুল জলরাশি মালদহ জেলাতে আছড়ে পড়ছে। গঙ্গার প্লাবন থেকে মালদহকে বাঁচাতে নির্মাণ করা হয়েছে তোফি বাঁধ। ১৯৮০ সালে গঙ্গার খাতে নেমে এসেছিল ২৫ লক্ষকিউসেক বন্যার জল। সেই জলের বেগে তোফি বাঁধে যে ফাটল ধরেছিল তার বিস্তার ছিল ১১০০০ ফুট আর গভীরতায় ৩০ ফুটেরও বেশি। তোফি বাঁধের ওপারেই পাগলা নদী। ফারাক্কা উজানে গঙ্গা - গর্ভে ভরাট হয়ে যাওয়ায় গঙ্গা যে তার পথ পরিবর্তন করতে চাইছে, এটা ছিল তার প্রত্যক্ষ প্রমাণ

দু-শো বছর আগে গঙ্গা বইত এই পাগলা নদীর খাত দিয়ে। ফারাক্কা ব্যারাজের উজানে চর ভ্রমশঃ আয়তনে বৃদ্ধি পেয়ে চলেছে। ফারাক্কা ব্যারাজের সর্বোচ্চ জল নির্গমন ক্ষমতা (Designed discharge capacity) ২৭ লক্ষকিউসেক। চরের জন্য সমস্ত স্লুইস গেট খুলে দিলেও ১৮ লক্ষ কিউসেকের অধিক হলে জল নির্গমন সম্ভব হচ্ছে না। এর ফলে লক্ষ লক্ষ জীবনের বিনিময়ে কোনও একপ্রবল বন্যায় গঙ্গা নদী তার পথকে পরিবর্তন করে পাগলা মহানন্দার পথ ধরে ছুটেতে থাকবে।

কলকাতা বন্দর কে বাঁচাতে হবে — এটা সমগ্র রাজ্যবাসীর ভাবনা কিন্তু কলকাতা বন্দরকে পলি মুক্ত করতে উত্তরের ফারাক্কা গঙ্গার ৪০ হাজার কিউসেক জল দেওয়ার ক্ষমতা আছে কিনা, ব্যারাজ নির্মিত হলে নদীবিজ্ঞানের নিয়মে মুর্শিদাবাদ ও উত্তরবঙ্গের মালদহে কী প্রতিক্রিয়া হবে, তা ভাবার যে কোনও তাগিদ অনুভূত হয়নি, তার পেছনে আছে এক ধরনের ঔপনিবেশিক মানসিকতা।

খামখেয়ালি জলচুক্তি

১৯৯৬ সালে পশ্চিমবঙ্গের তৎকালীন মুখ্যমন্ত্রী জ্যোতি বসুর আগ্রহে ভারত ও বাংলাদেশের মধ্যে জলবন্টনের যে-চুক্তি সম্পাদিত হয়েছিল তাতে দেখা যায়, গঙ্গা দিয়ে যখন ৭০,০০০ কিউসেকের কম জল প্রবাহিত হবে তখন ভারত ও বাংলাদেশ সমান অনুপাতে জল পাবে। যখন জলপ্রবাহ ৭০,০০০ থেকে ৭৫,০০০ কিউসেকের মধ্যে থাকবে তখন বাংলাদেশ পাবে ৩৫,০০০ কিউসেক জল। ৭৫,০০০ কিউসেকের উপর জল প্রবাহিত হলে কলকাতা পাবে ৪০,০০০ কিউসেক, বাকি অংশ যাবে বাংলাদেশে।

জলবন্টনের এই চুক্তিটাও বেশ অদ্ভুত। জল প্রবাহের হিসেবটা ধরা হল ১৯৪৯ - ১৯৮৮ সালের প্রবাহকে ভিত্তি করে। অথচ পরবর্তী ৮ বছরের মধ্যে যে গঙ্গার প্রবাহের পরিমাণ আশঙ্কাজনক ভাবে কমে গেছে তা রাজ্য বা কেন্দ্র কোনও সরকারের কাছেই অজানা ছিল না।

বলা হয়েছিল, কলকাতা বন্দর যাতে নিরবচ্ছিন্ন ভাবে ৪০,০০০ কিউসেক জল পায় তার জন্যই প্রায় ২০০ কোটি টাকা ব্যয়ে এই ফারাক্কা ব্যারাজ নির্মাণ করা হয়েছে। অথচ সরকারের কাছে গত পাঁচ বছরের গঙ্গা জল প্রবাহের হিসেব তাদের হাতের কাছেই মজুত ছিল। তার গড় হিসেব ছিল এরকমঃ—

মার্চ	০১-১০ পর্যন্ত	৬৫,০০০	কিউসেক;
মার্চ	১১-২০ পর্যন্ত	৬০,০০০	কিউসেক;
মার্চ	২১-৩১ পর্যন্ত	৫৪,০০০	কিউসেক;
এপ্রিল	০১-১০ পর্যন্ত	৫১,০০০	কিউসেক;
এপ্রিল	১১-২০ পর্যন্ত	৫২,০০০	কিউসেক;
মে	০১-১০ পর্যন্ত	৫৭,০০০	কিউসেক;

মে ১১-২০ পর্যন্ত ৬৪,০০০ কিউসেক ;
মে ২১-৩১ পর্যন্ত ৭২,০০০ কিউসেক।
অর্থাৎ কলকাতার কপালেজুটেবে ৩৮৫৯০ কিউসেকের পরিবর্তে ২৯,০০০ কিউসেক জল।

এই ৮ বছরের ব্যবধানে গঙ্গার জলপ্রবাহ কী পরিমাণ কমে গেছে তাসরকার প্রদত্ত হিসাব থেকেই স্পষ্ট হয়ে যায়। এর কারণও অজানা নেই। বিহার ও উত্তরপ্রদেশে ৪০০ টিরও বেশি ক্ষেত্রলিফট ইরিগেশনের মাধ্যমে যে পরিমাণ জল তুলে নেওয়া হচ্ছে তার পরিমাণ ২৫,০০০ কিউসেক থেকে ৪৫,০০০ কিউসেক। এই সেচ কেন্দ্রগুলি ছাড়াও বিহার ও উত্তরপ্রদেশে শে আরও নানা প্রকল্পের মাধ্যমে গঙ্গার জল টেনে নেওয়া হচ্ছে। চুক্তি স্বাক্ষরের আগে পশ্চিমবঙ্গ সরকারের পক্ষ থেকে কেন্দ্রীয় সরকার মরফত উত্তরপ্রদেশ এবং বিহার সরকারের কাছ থেকে গঙ্গার জল ব্যবহারের প্রদত্ত সুনির্দিষ্ট গ্যারান্টি কেন চাওয়া হল না, সেটা কিস্তুরহসাই থেকে গেল।

পাছে গঙ্গার জলপ্রবাহ নিয়ে এই চুক্তি রূপায়ণে কোনও বাধা আসে সম্ভবত সেই দিক থেকে দৃষ্টিসরাসরে, ভূ টান থেকে উৎপন্ন উত্তরবঙ্গের উপর দিয়ে প্রবাহিত হয়ে বাংলাদেশে পতিত সঙ্কোশ নদী প্রকল্পের কথা মুখ্যমন্ত্রী ঘোষণা করে দিলেন। আন্তর্জাতিক একটা নদীকে নিয়ে এরকম ভাবে একতরফা কোনও প্রকল্পের কথা ঘোষণা করা যায় কিনা সেই প্রশ্নে মূলতুবি রেখেই বলা যায়, এই ঘোষণার মধ্যেও সেই ঔপনিবেশিক কর্তৃত্ববাদী মানসিকতাই প্রকাশ পায়। উত্তরবঙ্গের উন্নয়নের প্রতি উৎসাহিত হলে যেখানে বার অভিযোগ উঠেছে, তখন প্রায় ৭০০০ কোটি টাকা ব্যয়ে ১৪৩ কিমি দীর্ঘ খালকেটে উত্তরবঙ্গের বুক থেকে জল টেনে নেওয়ার শোষণের অভিযোগটিও উঠে আসে। কারণ মালদহের অস্তিত্বকে বিসর্জন করে কিনারায় ঠেলে দিয়ে ফারাঙ্কা ব্যারাজের সাহায্যে কলকাতা বন্দরের পলি ঠেলে দিতে ব্যর্থ হবার পর, এবার যদি সঙ্কোশ পরিকল্পনা রূপায়িত করা হয়, তবে উত্তরবঙ্গের ৪৫ টিটা -বাগান সহ যে-সমস্ত সংরক্ষিত বনভূমি বিনষ্ট হবে, তার মধ্যে জলদাপাড়া অভয়ারণ্যও পড়বে। সুদীর্ঘ ২৩ বছর ধরে তিস্তা প্রকল্পের অসমাপ্ত কাজ দেখে ক্লান্ত উত্তরবঙ্গবাসীরা যদিও এখন আর ঝাঁস করে না এই ধরনের কোনও পরিকল্পনাবাস্তবায়িত হবে, তবে ঘরপোড়া গরমতে এই ধরনের কোনও পরিকল্পনার ঘোষণাই তাদের আতঙ্কিত করে তোলায় পক্ষে যথেষ্ট। তাদের ধারণারাজধানী কলকাতার জন্য পশ্চিমবঙ্গের অভিভাবকেরা উত্তরবঙ্গকে বলি দিতে কোনও দ্বিধা করবে না।

বঞ্চিত উত্তরবঙ্গ

লোকসংখ্যার বিচারে উত্তরবঙ্গের জনসংখ্যা এই রাজ্যের মোট জনসংখ্যার প্রায় ২৫ শতাংশ। এই এলাকার জন্য যে পরিমাণ বিদ্যুৎ উৎপাদনের ব্যবস্থা করা হয়েছে তা সারা রাজ্যের মোট বিদ্যুৎ উৎপাদনের মাত্র তিন শতাংশ। বিদ্যুৎ উৎপাদন ও তার ব্যবহার একটা অঞ্চলের উন্নতির সূচক বলে গণ্য হয়। উত্তরবঙ্গের বিদ্যুৎ উৎপাদনের এই হার থেকেই বোঝা যায় এই এলাকা উন্নয়নের প্রদত্ত কতপিছিয়ে আছে। ক্ষুদ্র শিল্পে রাজ্য সরকার যে অনুদান দেয় উত্তরবঙ্গ পায় মোট বরাদ্দের মাত্র ৯ শতাংশ। দক্ষিণবঙ্গে যখন প্রতি লক্ষ জনসংখ্যায় ১৯০ জন শিল্পে নিযুক্ত হবার সুযোগ পায়, সেখানে উত্তরবঙ্গে এই সংখ্যা মাত্র ৩৪ জন। সারা রাজ্যে শিক্ষিতের গড় হার যখন ছিল ৪০.৯ শতাংশ তখন উত্তরবঙ্গে এই অনুপাত ছিল ৩০.৩ শতাংশ। কলকাতা বিশ্ববিদ্যালয়ে যখন ৯৬টি বিষয়ে পড়ানো হত তখন উত্তরবঙ্গ বিশ্ববিদ্যালয়ের ছাত্র-ছাত্রীর পক্ষে মাত্র ১৬টি বিষয়ে পড়ার সুযোগ।

এই অঞ্চলের ছাত্ররা পাঠ্য বইতে নদীর বহুমুখী পরিকল্পনার বিস্তারিত বিবরণ পরীক্ষার জন্য মুখস্ত করে। তারা জানে দামোদর, ময়ূরাক্ষী, রূপনারায়ণের মতো বহুমুখী পরিকল্পনাগুলি কীভাবে গঙ্গার ওপারের বর্ধমান, মেদিনীপুর, হুগলী জেলার অহল্যা মাটিকে স্বর্ণগর্ভা করে তুলেছে।

উত্তরবঙ্গের নদীগুলি তো তাদের কাব্যিক নামের গুণে সাহিত্যের ছন্দ মেলানোর মধ্যসীমাবদ্ধ থাকার কথা ছিল না। উত্তরবঙ্গের বন্ধা জমিকে ফলবতী করতে তাদের বিপুল জলরাশিও উন্মুখ হয়ে আছে। তবু কেন এই বিশাল অঞ্চলে কৃষিভূমির ২০.৪৭ শতাংশ মাত্র জল সম্পদের স্পর্শ পায়? উত্তরবঙ্গের তিস্তা প্রকল্পের কাজ শু হয়েছিল ২৩ বছর আগে। কবে শেষ হবে এখনও কেউ জানে না। এর জন্যই বরাদ্দ টাকা গঙ্গার ওপারের কর্মসূচীর জন্য অল্পান বদনে খরচ করে ফেলা যায়। এখন পর্যন্ত এই প্রকল্প কিছু প্রভাবশালী ঠিকাদার, রাজনৈতিক নেতা ও কিছু অসাধু সরকারি কর্মচারীদের পকেট ভারি করার সুযোগ দেওয়া ছাড়া সাধারণ মানুষের কাছে আর কোনও বিশেষ নজর কাড়তে পারেনি। অন্যদিকে এই প্রকল্পকে কেন্দ্র করে জাঁকিয়ে বসেছে জমি কেনাবেচার এক শক্তিশালী চক্র। জমিকেনা-বেচায় ভবিষ্যতে লাভ হবে, এই ফটকা বাজিতে এরা কৃষিজমিগুলিকে কিনে পতিত করে রাখছে। কোনও চাষের কাজ করছে না বা করতে দিচ্ছে না, পাছে কৃষকেরা জমির ভাগ চেয়ে বসে।

ব্যবসার বাড়তি জ্বালা :

এক ফসলাজমিগুলিতে শু হয়ে ছে চা গাছ রোপনের প্রতিযোগিতা। এর কিছু দিন আগে শু হয়েছিল আনারস চাষের উন্মত্ত প্রয়াস। একশ্রেণীর মধ্যবিত্ত ও উচ্চবিত্ত কৃষকদের কাছ থেকে জমি কিনে শু করেছিল আনারসের চাষ তখন এই এলাকার দিগন্ত বিস্তৃত জমিতে শুখু আনারস আর আনারস। অথচ ফলের চাষের পাশাপাশি গড়ে উঠল না কোনও ফুট প্রেসিং শিল্পের পরিকাঠামো। অপরদিকে, কৃষি জমিগুলিতে আনারস লাগিয়ে তাতে রাসায়নিক সার প্রয়োগ করে প্রথমে ৩-৪ বছর প্রচুর ফলন পেলেও সেই জমি রাসায়নিক বিষে তার মৃত্যুকে ঘোষণা করে তেই আনারস চাষে এল মড়ক। কৃষকেরা এর আগেই জমিহারিয়েছিল। এবার সর্বস্বান্ত হল অসংখ্য মধ্যবিত্ত মানুষ যারা আনারসের রঙিন মুকুটের হাতছানি দেখে রাতারাতি বড়লোক হবার স্বপ্নে এখানকার মাটির চরিত্র ও জল বায়ুর কথা বিবেচনা না করেই আনারস চাষে ঝাঁপিয়ে পড়েছিল।

একইভাবে অনেকে ঝাঁপিয়ে পড়েছে চা বাগানের নেশায়। চা চাষের জন্য দরকার বিশেষ জলবায়ু ও মাটি। না হলে তো কলকাতাতেই চা চাষ করা যেত। এ রাজ্যে প্রথম চা গাছের চারা কিস্তি বপন করা হয়েছিল কলকাতার ফোর্ট উইলিয়ামে। সেগুলি বাঁচেনি। অথচ ক্যাম্বেল দার্জিলিং-এ তার বাংলো বাড়িতে এই একই গাছ নিছক শখ করে লাগাতেই সেগুলি তরতরিয়ে বংশ বৃদ্ধি করে বসল। স্বাদে-গন্ধে পৃথিবী জয় করে নিল। উত্তরবঙ্গের যত্রতত্র যেভাবে কৃষি জমিকে চা চাষে রূপান্তরিত করা হচ্ছে, ব্যাপক রাসায়নিক সার প্রয়োগ করে চা পাতা বৃদ্ধি করে রাতারাতি বড়লোক হবার জুয়া খেলায় অনেকে মতে উঠেছে তার ভয়াবহ প্রতিদ্বন্দ্বিতা সামাজিক ও অর্থনৈতিক ক্ষেত্রে এর মধ্যেই ফুটে উঠেছে।

চাচাষের জন্য জমি থেকে কৃষক উৎখাত হয়ে ভূমিহীন ক্ষেত্রমজুরে পরিণত হচ্ছে। এক ফসলা জমির মালিকেরা তৎক্ষণাৎ কিছু নগদ প্রাপ্তির আশায় তাদের জমিগুলো নতুন চা বাগান শিকারীদের কাছে বিক্রি করে সেই বাগানেই কিছুদিন দিন-মজুরের কাজ পাচ্ছে। যারা জমি বিক্রি করতে চাইছে না তারাও কিছু দিনপরে জমি বিক্রি করতে বাধ্য হচ্ছে। এই জমি কেন্দ্রীভাবিত নিয়ে গড়ে উঠেছে এক হিঙ্গ জমির দালালিরমাফিয়া গোষ্ঠী। ক্ষমতাবান রাজনৈতিক নেতারা এদের নিরাপদ পোতাশ্রয়। এদের দাপটে জমি ছাড়তে বাধ্য হচ্ছে অনেকেই। আবার যারা এই সব চাপউপেক্ষা করছে তারাও জমির চারপাশে যারা বাগান করেছে তার মধ্যেবিচ্ছিন্ন একটা দ্বীপের মতো টুকু থাকতে পারছে না। সেকানকার ব্যবহৃত রাসায়নিকসার এবং কীটনাশক দ্রব্য ধানচাষের সহায়ক জৈব উপাদানগুলিকে ধ্বংস করেজমির উৎপাদিক শক্তিকে বিনষ্ট করে দিচ্ছে।

এইভাবেউৎপন্ন চা বাগান পরিবেশকে যেমন ধ্বংস করেছে চায়ের মানকেও তলানিতে টেনেআনছে। এইভাবে অপরিবর্তিত ও অবৈজ্ঞানিক ভাবে গজিয়ে ওঠা চাবাগিচাগুলি কাঁচাপাতার দাম না পেয়ে গুটিয়ে যাচ্ছে। জমি থেকে উচ্ছেদ হয়ে আসা এখানে দিনমজুরের কাজেনিয়ন্ত মানুষেরা (যাদের প্রায় সবাই স্থানীয় ভূমিপুত্র রাজবংশীসম্প্রদায়) জি হারিয়ে আবার পেটের তাগিদে বেরিয়ে পড়েছে। একমাত্রশিলিগুড়ি শহরেই আছে ৪০,০০০-এর মতো রিক্সা। অধিকাংশ চালকই রাজবংশীয়া কয়েক বছর আগেও এখানেদেখা যেত না। এই ভিড় সারা উত্তরবঙ্গেই বেড়ে চলেছে। এর কারণ যে জমি হারিয়েজীবিকার তাগিদে শহরের ভিড়ে সামিল হওয়া, এতে কোনও সন্দেহনেই।

বহুদিন ধরেতিল তিল করে গড়ে ওঠা সুনামগুলি পরিকাঠামো ও বৈজ্ঞানিকদৃষ্টিভঙ্গির অভাবে যেধ্বংসস্তূপে পরিণত হচ্ছে তার উদাহরণ দার্জিলিং -এর চা এবং মালদহের আম। চা শিল্প এইএলাকার উপর কতখানি প্রভাব বিস্তার করেছে তার জীবন্ত উদাহরণ হচ্ছে জলপাইগুড়ি শহর। চা বাগিচার সদরদপ্তরকে কেন্দ্র করেই গড়ে উঠেছিল আজকের জলপাইগুড়ি শহর। চাবাগিচার সেই মালিকানার হস্তান্তরের সঙ্গে সদর দপ্তরগুলিও জলপাইগুড়ি থেকেস্থানান্তরিত হয়ে যাওয়ার ফলেই জলপাইগুড়ি শহর আজ মুমূর্ষুশহরে পরিণত হয়েছে।

ব্রাজিলেরআম আজ বিদ্রের বাজারে প্রভুত্ব বিস্তার করেছে। এর কারণ সেইদেশটি তার উন্নত কারিগরি কৌশলেরসাহায্যে আমকে ছোট টুকরোয়হিমায়িত করে তাকে টিনজাত করেবিদ্রের বাজারে বিপুল সাড়া পেয়েছে। অথচ মালদাহের আম যে পিছু হটতেহটতে প্রতিযোগিতার বাজারে একেবারে শেষের সারিতে এসেদাঁড়িয়েছে, তার কারণ— অনুসন্ধানও প্রতিকারের তাগিদে অভাব

শিলিগুড়ির চা- নিলাম কেন্দ্রকে ঘিরে যে বিশাল উদ্দীপনা দেখা দিয়েছিল তার ছিটেফোঁটাচিহ্নও আজ নেই। এখনও শহরের বিভিন্নজায়গায় সাইট ফর টি ওয়ারহাউস -এর বিজ্ঞাপন - গুলি সেই উদ্দীপনাকেবিদ্রুপ করছেই যেন টিকে আছে। অথচ এমন হবার তো কথা ছিল না। অসম সরকারআমিন গাঁন্ততে ইনল্যান্ড কনটেইনার ডিপো স্থাপন করতে পারলে এইরাজ্যের চা উৎপাদন কেন্দ্র শিলিগুড়ি বা জলপাইগুড়িতে পশ্চিমবঙ্গসরকার এই ধরনের একটা উদ্যোগ কেন নিতে পারল না।

উত্তরবঙ্গেরভবিষ্যত কী —

এবার কথা উঠেছে,বাংলাদেশের মধ্যে দিয়ে কলকাতা সহ সারা ভারতবর্ষ থেকে উত্তরপূর্বভারতের রাজ্যগুলির মধ্যে পণ্যসামগ্রী পরিবহনের জন্য বাংলাদেশের সঙ্গেসুচিবন্ধ হতে হবে। আগে কয়েক বছরের মধ্যে হয়তো তা হয়েও যাবে। কারণ, ঝায়নের যুগে দক্ষিণ পশ্চিম এশিয়ার একচ্ছত্র শক্তিশালী ভারতবর্ষের চাপক্ষুদ্র ও আর্থিক দিক থেকে বিপর্যস্ত বাংলাদেশের পক্ষে সহ্য করা সম্ভব হবে না। এতে কম সময়ে এবং তুলনামূলক ভাবে কম পরিবহন খরচে উত্তর-পূর্ব ভারতে সামগ্রী সরবরাহ করা গেলেও উত্তরবঙ্গের অর্থনীতি কিস্তি ভেঙেপড়বে। কারণ, উত্তরবঙ্গের কোথাওকোনও শিল্পের চিমনি দেখা না গেলেও উত্তরপূর্ব ভারতের প্রবেশদ্বারবলে এই অঞ্চল ব্যবসায়ী এলাকা রূপে গড়ে উঠেছে। বাংলাদেশ দিয়ে পরিবহন ব্যবস্থা চালু হলে এ খানকার ব্যবসাকেন্দ্রে উত্তরপূর্ব ভারতে সরবরাহ করার জন্য পণ্যসামগ্রী পাঠাবার প্রয়োজন থাকবে না। উত্তরবঙ্গের রাণি জ্যিক গুত্র তলানিতে গিয়ে ঠেকবে।উত্তরবঙ্গ হবে অর্থনীতির শুষ্ক মভূমি। তবে আশার কথা, নাথুলা গিরিপথ দিয়েটানের সঙ্গে বাণিজ্য স্থাপিত হলে উত্তরবঙ্গ, বিশেষ করে শিলিগুড়ি শহর, তার অর্থনৈতিক মৃতুর হাত থেকে বাঁচার একটা শক্তিশালী পথখুঁজে পাবে।

উত্তরবঙ্গেরউন্নয়নের প্রা যখন কোনও অভিমান ক্ষোভে পান্তরিতহয়ে কখনও গোর্খল্যান্ড কখনও বা কামতাপুরী আন্দোলনের মাধ্যমে ফেটে পড়তেচাইছে তখন মালদহ জেলায় গঙ্গার এই ভাঙনে সর্বহারা মানুষের হাহাকারগোর্খল্যান্ড কামতাপুরী দাবীর মধ্যে সমর্মিতার স্পর্শ পেতে পারে। আজউত্তরবাংলার উন্নয়নের প্রণ গঙ্গা ভাঙন এমন এক ভয়াবহ সমস্যা রূপে হাজির হয়েছে, যা আগামী দিনে প্রাকৃতিক সমস্যা ও গঙ্গার দক্ষিণপাড়া বিরোধী ভাবনা পরস্পর হাতধরে এগিয়ে যেতে চাইতে পারে।

প্রশ্ন উঠেছে, ফারাক্কা ব্যারাজমারফত ভাগরথী-হুগলী দিয়ে প্রবাহিত করে তো কল কাতা বন্দরের সমস্যা মেটানো সম্ভব হলনা। তবে ব্যারাজকে রেখে মালদহকে গঙ্গাগর্ভে বিলীন করে দেওয়া হবে কেন

আজ তাইউত্তরবঙ্গের উন্নয়নের প্রসঙ্গে এই এলাকার জাতিসত্তা প্রতিষ্ঠার(কামতাপুর / গোর্খল্যান্ড) মধ্যে যে

বিচ্ছিন্নতারবিপদের কথা শোনা যেত, মালদহের ভাঙনে এখন তাদের ছাপিয়ে সর্বক্ষেত্রে আলোচনার বিষয় হয়েদাঁড়িয়েছে। গঙ্গার এই ভাঙন যে আগামী দিন উত্তর ও দক্ষিণের ভাঙন হয়েদাঁড়াবে না, তার কোনও নিশ্চয়তা দেওয়া যায় না।

কারণ, ১৯৮৮ সালেপ্রকাশিত জেলাগেজেটিয়ার থেকে যাচ্ছে ওই বছর পর্যন্ত মালদহ জেলায় ভাঙনের মত কোনওপ্রাকৃতিক ঘটনা ঘটেনি। ব্যাপক প্লাবনের উল্লেখ আছে ৩৫ বছরেরমধ্যে মাত্র ৩টি। গঙ্গাতীরের অসংখ্য ছোট বড় গ্রামে ভাঙনের কোনও উল্লেখওগেজেটিয়ারে নেই। তাই ফারাক্কা ব্যারাজের মতো মনুষ্য সৃষ্টিকারীবাধার জন্যই যে আজ মালদহ জেলার এই সর্বগাসী ভাঙন, এই ঝিসটিই দৃঢ়ভাবেদানা বেঁধে চলেছে। সর্বোপরি, যে প্রাটা এখন উঠে এসেছে তা হল,ফারাক্কা ব্যারাজ তো মালদহ তথা উত্তরবঙ্গের উন্নয়নের জন্য করা হয়নি, তবেকেন দক্ষিণবঙ্গের উন্নয়নের এই ব্যর্থ প্রচেষ্টায় মালদহকে দখিচির মতো অ

ঐত্মতাগকরতে হবে ?

উত্তর ও দক্ষিণের মধ্যে এই ভাঙনকে খতেতাই ব্যারাজের পরিবর্তে তাকেসেতুতে রূপান্তরিত করে উত্তর ও দক্ষিণের সেতুবন্ধনের কথাভাবতে হবে। গঙ্গাকে ফরাঙ্কা ব্যারাজের বন্ধন থেকে ও ভাগীরথীকে জঙ্গীপুরব্যারাজের বন্ধন থেকে মুক্ত করে এই ভাবনাকে বাস্তবায়িত করা যেতেপারে। এতে কিন্তু কলকাতাকে কে নও ক্ষতি স্বীকার করতে হবে না।ভাগীরথীর উৎসকে ধুলিয়ান শহরের দক্ষিণপূর্বে অবস্থিত গঙ্গারএকটা বাঁকে যুক্ত করলে গঙ্গার জলধারাতার দক্ষিণমুখী পূর্বলব্ধ গতি (Inertia of flow) নিয়ে ভাগীরথীর খাতে বয়েযেতে পারবে। উৎসস্থলে বন্যারগতি সেকেন্ডে ১৬ ফুটের বেশি থাকায় ১ হাজার ফুট বিস্তৃত ও ২৫ ফুটগভীর খাত দিয়ে ৪ লক্ষ কিউসেক জল প্রবাহিত করা সম্ভব হবে। এছাড়া ভাগীরথীর উৎস থেকেত্রিবেণী পর্যন্ত সর্পিলা ২০০ মাইল পথের ৭৫ মাইল সংস্কারসাধন ঘটিয়ে একেসরলায়িত করে ১২৫ মাইলে কমিয়ে আনা সম্ভব। খরচ পড়বে বন্যার ধবংসেরতুলনায় ভগ্নাংশ মাত্র।

এর ফলে বাঁচবেমালদহ জেল।। কলকাতা বন্দরপাবে জল। বাঁচবে উত্তর ও দক্ষিণের সংহতি। এই সংহতি তোউত্তর ও দক্ষিণের মানুষের স্বার্থেই উভয় খন্ডের মানুষেরঅন্তরের চাহিদা। আমেরিকার সর্বগ্রাসী প্রভুত্ববাদের বিদ্বৈ যেমনঅন্য আমেরিকার শুভচেতনা সম্পন্ন মানুষই প্রধান হাতিয়ার, উত্তরেরবঞ্চনার ক্ষোভ প্রশমনে দক্ষিণবঙ্গের মানুষের বাড়ানো হাতই তো সবচেয়ে বড় শক্তি। একই সঙ্গে তাই আওয়াজ উঠুক— মালদহ বাঁচাও, বাঁচাও আমাদের সংহতি।

[Zoom In](#) | [Zoom Out](#) | [Close](#) | [Print](#) | [Home](#)

সৃষ্টিসন্ধান

Phone: 98302 43310
email: editor@srishtisandhan.com